

瀛環志略

五

和方

地理		
卷冊	身記	號番
一		二
〇	〇	四
學校	縣中	滋賀


号

290
55
Vol 5

彥報公
立中學
校印

亞細亞
圖
舉地
利

聯
亞



日耳曼界

界斯羅我

亞述威不

普魯士界
莫羅斯界

界曼耳日

維里拉

亞細里加

河惱多

亞利地蘇下

利牙匈

俄羅斯界

維納

界士瑞

界曼耳日

維里納

上惠地利亞

德士的里亞

亞里過那尼西

土耳其界

亞丁蘇

蘭米

威內維

亞里黎壹

尼拉新加

亞瓦哥西羅

界其耳土

界里大落

界其耳土

界其耳土

地中海

海亞得亞

海亞得亞

海亞得亞

河惱多

凌遠存書





奧地利亞國

奧地利亞國。阿士得登亞。○奧斯的里亞。○阿士氏拉。○歐羅。○雙鷹國。○

巴大國也。其高船初抵粵東時。旗畫雙鷹。遂訛稱為雙鷹國。北

界普魯士。俄羅斯。南界土耳其。其抵亞得亞海隅。意大利亞各國。

西界瑞士。暨日耳曼各國。東西三千一百餘里。南北一千八百

餘里。其地古時為勒西亞。諾力加巴訥尼亞等國。羅馬征服之。

後為北狄所據。唐貞元間。佛郎西取其地。立為別部。元初。日耳

曼有酋羅爾德福者。號聰敏。攻獲奧地。日耳曼各部推立為王。

稱為東國。然疆土褊狹。無大權。傳至阿爾麥配。匈牙利女主。匈

牙利因合於奧。驟益疆土。數千里。遂為大國。明正德十四年國

...

內亂時西班牙王查理第五賢能得民譽日耳曼諸部招之來
 舉奉以為日耳曼王王治軍行法聲威大著佛郎西來攻王與
 戰破之禽佛王徙之西班牙佛人以金贖之乃放還嘉靖四年
 復得伯閣地即不成迷亞疆土愈廣查理第五歿其弟嗣位明於法
 律簡任廉能國大治時意大里衰亂帥師伐之割其北境圍羅
 馬一年城幾陷意大里諸部皆臣服由是日耳曼稱霸西土萬
 曆四十六年王和四年匪耳地難嗣位先是查理第五尚洋教禁西教
 至是臣民復有從西教者王禁之甚力違者加以刑臣民合黨
 攻王王誅滅之遂舉國奉洋教無敢異康熙三十九年日耳曼
 各部皆自立為王從此東國稱舉地利亞不復稱日耳曼時西

班牙王歿無子舉王以為其宗國也欲立其子而佛郎西王欲
 立其子孫兩國構兵十餘年佛王卒立其孫為西班牙王康熙
 四十九年王查理第六嗣位委政臣下尋歿無子傳位於女女
 聰敏能持國柄治軍嚴整隣不敢侵女主歿王約色弗第二嗣
 時波蘭衰亂王與俄羅斯普魯士瓜分其國由是幅員之大遂
 洸洋於西土王好西教廢洋教洋教之黨欲為亂王憚歿嘉慶
 年間佛郎西拿破侖得國恃兵力征伐四隣日耳曼列國皆納
 款舉屬藩比利時亦被侵割詳比利時圖說而不為之下佛無如之何
 也拿破侖既敗喪嘉慶二十年歐羅巴諸國各遣公使赴維也
 納舉地利會議凡佛郎西摧破各國皆申畫疆圻重定盟約以

日耳曼列國。雖各復故土。而散弱不能自立。乃議立公會。聯結為與國。以舉為會盟之長。日耳曼列國之主。時來朝議國事。舉嘗與土耳其構兵三十年。講和而罷。其國大勢分四部。曰日耳曼地。舉之故土也。曰意大利地。曰波蘭地。後來之所割據也。

舉地利之日耳曼故土。在日耳曼列國之東南。山嶺重疊。產水銀。硃砂。鐵。草場豐廣。每歲所產牛馬羊。以萬億計。有多惱大河。可通舟楫。地分五部。○舉地利亞內分兩部。南曰上舉地利亞。北曰下舉地利亞。都城在下舉地利亞。曰維也納。一作危阿納。又作味應。居民三十萬。王宮闕麗。王自奉甚約。不尚體統。與百姓往來如

家人。其民以此親附。俗重紡績。產希帛最多。女子美容。淫泆

無聞。教附近有耳城。居民三萬六千。有書院。藏書七萬冊。○

的羅爾一作地在兩舉地利之西。遍地皆山。會城曰音斯不羅

各一作隱不其民以獵為生。或擔負傭趁四方。性戇直而多力。當佛

郎西來侵。此土之民奮力擊退。稱為義勇。○義士的里亞。一作

亞。在上舉地利之西南。會城曰加拉德斯。一作居民一萬一千。

其山洞穴玲瓏。巖袖重複。民以造磁器。織綢緞為業。○壹黎里

亞。在義士的里亞之東南。會城曰的里也斯德。一作得在亞得

亞海隅。為地中海大埔頭。居民四萬。每歲出入之船八千隻。○

不威迷亞。一作伯閣又在下舉地利之北。舊本日耳曼列國。為

舉所滅地形如釜其外山嶺界隔其中川谷深邃土田之沃為
 舉上壤會城曰巴拉加產五穀牲畜銅鐵麻居民善造玻璃器
 運行四方獲利無算地有書院習文藝者八百餘人○摩拉維

亞一作在不威迷亞之東壤地僻小所產麻呢布甚多會城曰

阿里木極堅固○以上各部皆入日耳曼同盟公會應出兵九

萬四千八百詳日耳曼列國圖說

舉地利之意大里地總名倫巴爾多威尼西亞奴分兩部○米

蘭在的羅爾之南東南際亞得亞海幅員較廣其地山水佳勝

有教祖廟肖像最巨闊二十七丈高三十三丈西土以為異觀

會城居民十五萬所轄百義城居民三萬額摩拿城居民二萬

六千曼土亞堅城也嘗為他國所攻久圍不能下罷味亞城居

民二萬一千羅地城居民一萬八千皆意大里名邑也○威內

薩一作臨亞得亞海幅員甚狹而戶口極繁古時為地中海最

大之海口萬艘鱗集握全海之利權者千有餘年今已衰廢貿

易無多居民尚十萬一千城建水中街衢皆小河飛橋橫跨不

礙舟行所屬巴士亞居民五萬內有書院肄業者三百人味羅

拿居民五萬五千味晉撒居民三萬燕地拿居民一萬八千

舉地利之匈牙利地一作翁給里亞又作寒牙里又在國之東

界古時匈奴有別部轉徙至此攻獲那靈彌地於趙宋咸平年

間立國稱雄一時久而寢衰明建文年間女主伊利薩麻嗣位

配。塞王阿爾麥為夫婦。時匈牙利為波蘭所攻。土耳其屢侵南境。皆賴塞地利兵力退敵。保疆遂挈國合於塞。其地幅員倍於塞本國。半山半土。多惱河橫流其間。山出金銀銅鑛。每歲得金一千餘觔。銀四萬餘觔。土得穀田五萬頃。草場七萬五千頃。林九萬頃。園六萬頃。產五穀。牲畜葡萄酒麻丹參蜜。俗不剪髮。編辮戴小圓帽。外加闊邊帽。服色尚藍。與歐羅巴諸國迥異。地分五部。○匈牙利內分兩部。曰下那靈彌。曰上那靈彌。會城在下那靈彌。曰伯堡。匈之舊都也。建於多惱河濱。居民四萬一千。所轄曰伯息。居民六萬一千。牲畜互市之地也。附近有補地城。居民三萬四千。仲匿。居民一萬七千。半以攻鑛為業。產銅尤多。阿

丁堡。居民以釀酒養豬為業。每歲售豬八萬。刺固城。地當衝要。土耳其數來攻。五廟邑為自古文儒聚會之區。得伯新邑互市之地也。士額丁。居民三萬。勤於農作。產煙草。○達郎。西里兀尼亞。又名七山。在匈牙利之東南。山嶺高際霄漢。出金鐵鑛。會城曰黑曼。居民二萬。所屬冤城。居民三萬。與土耳其互市。極繁盛。有書院。肄業者一千二百人。○哥羅瓦西亞。一作在匈牙利之南。七山之西。會城曰亞哥郎。其民勤於農作。悍勇過人。塞人募為將兵。能破強敵。產五穀煙草。○斯加拉窩尼亞。在哥羅瓦西亞之西。會城曰挨塞各。土俗與哥羅瓦西亞同。以上三部。南界皆隣土耳其。各練農民為鄉勇。土人來侵。則合力禦之。○達爾

馬西亞一作搭馬在亞得亞海濱與壹黎里亞相接地形狹長土磽

瘠不足於耕民多捕魚或為海盜會城曰撒刺戶口甚稀山產

藥材巖間出野蠶蜜所屬加他羅城壁堅池深號為險固

舉地利之波蘭地曰加里細亞一作牙里西地平坦有沙磧多林薄

熊狼所宅獵者殺之獻其皮官為給價其土鹵可以煎鹽民惟

務農不解紡績衣食皆粗糲會城曰稜卑爾各一作隣山內有書院

○布哥維納本土耳其地舉割得之因與加里細亞昆連故附

波蘭部境土數百里會城曰達爾奴波羅居民九萬二千城內

多廟宇僧尼甚眾其民長於貿易雖隸於舉而自有酋長主國

政

按日耳曼全國時以舉地利為共主諸部如畿內之侯當查

理第五之代興也擄佛王服羅馬無荷蘭聲靈赫濯幾於霸

矣惜乎力崇洋教而仇視西教詳荷蘭圖說啓累代之兵端開殘

殺之劫運則貽謀之不善也厥後日耳曼列侯皆自王其國

無復臣主之分舉地利疆土之恫闊雖數倍昔時而聲威則

遠遜矣今西土論國勢者英吉利第一佛郎西第二俄羅斯

第三舉地利第四

<p>三</p>	<p>四</p>	<p>五</p>	<p>六</p>	<p>七</p>	<p>八</p>	<p>九</p>	<p>十</p>	<p>十一</p>	<p>十二</p>	<p>十三</p>	<p>十四</p>	<p>十五</p>	<p>十六</p>	<p>十七</p>	<p>十八</p>	<p>十九</p>	<p>二十</p>	<p>二十一</p>	<p>二十二</p>	<p>二十三</p>	<p>二十四</p>	<p>二十五</p>	<p>二十六</p>	<p>二十七</p>	<p>二十八</p>	<p>二十九</p>	<p>三十</p>	<p>三十一</p>	<p>三十二</p>	<p>三十三</p>	<p>三十四</p>	<p>三十五</p>	<p>三十六</p>	<p>三十七</p>	<p>三十八</p>	<p>三十九</p>	<p>四十</p>	<p>四十一</p>	<p>四十二</p>	<p>四十三</p>	<p>四十四</p>	<p>四十五</p>	<p>四十六</p>	<p>四十七</p>	<p>四十八</p>	<p>四十九</p>	<p>五十</p>
----------	----------	----------	----------	----------	----------	----------	----------	-----------	-----------	-----------	-----------	-----------	-----------	-----------	-----------	-----------	-----------	------------	------------	------------	------------	------------	------------	------------	------------	------------	-----------	------------	------------	------------	------------	------------	------------	------------	------------	------------	-----------	------------	------------	------------	------------	------------	------------	------------	------------	------------	-----------

普魯士圖







普魯士國

普魯士Prussia ○普魯社 ○蒲魯士 ○部魯西亞 ○不魯西亞 ○埔魯寫
 破魯斯 ○破魯西 ○圖理雅 ○比阿爾彌亞 ○單鷹
 國亦歐羅巴大國亞於Prussia 奧東稱為單鷹國亦因其商

船所畫之旗而得名也北距波羅的海東界與羅斯南界與地

利亞西雜日耳曼列國界荷蘭比利時東西約二千一百餘里

南北約一千一百餘里其地古時為北狄所據南宋時日耳曼

人征服之立為別部後為波蘭所兼并明萬曆間日耳曼之巴

郎德不爾厄部復取其地立國奉職忠謹明主悅之屢益以地

康熙三十九年乃自王其國其王長於韜畧節衣嗇食帑藏豐

盈子菲哩特第二嗣位雄武有大志屢勝強敵擴地愈廣王卒

...

姪嗣位。淫泆無度。沈湎於酒。國勢驟衰。時佛郎西拿破命得國。文化三年嘉慶十一年。以大兵伐普王。啡哩特威蕪第三初嗣位。力不能禦。佛人割其境土之半。普遂削弱。後六年。普民不悅佛政。思故主王。因民之怨佛也。與諸國合縱攻之。佛師潰而棄地。普遂復其故土。王乃增修國政。勸農工。設學館。惠商旅。由是百姓親附。隣國之民皆喁喁慕義。遂為西土顯國。其國大勢分東西兩土。共八部。有在日耳曼界內者。有侵割他國得之者。其制民及歲者。工入肆。秀入學。否則罰其父母。年二十以上。男丁皆入伍。學藝三年。放歸。每歲秋操。閱賞罰之。故其國兵多而強。額兵計十六萬五千。內宿衛一萬八千。騎兵一萬九千。炮手一萬五千七

百。步兵十萬四千。別有民壯三十五萬九千二百。舉國尚西教。

普魯士之東部。首曰巴郎的不爾厄。一作班丁堡境內阿得河縱橫

交流。沿河沮洳草場豐茂。便於牧畜。餘地平坦。多沙磧。故田不

足於耕。松橡處處成林。材木無缺。都城曰百爾靈。一作伯靈。又作木爾林。

周三十六里。有十五門。二十二市。居民二十二萬。皆奉西教。城

內有孤子院。收養憫獨。有醫院。居旅客貧民之染疾者。有武藝

院。教擊刺。有文學院。肄業者一千六百餘人。有軍器局。貯大炮。

王殿長四十六丈。闊二十七丈。高十丈。規模極宏壯。百官之居

亦整潔。百工諸術。各有學院。鐵器最精。工細若金銀所造。磁器

尤良。堅緻不亞華產。而價甚廉。大呢羽緞布帛山積。遠客咸來。

貿易故稱西土大都會。所屬谷丁堅城也。蘇邑粟土老皆屬邑之豐美者。○波美拉尼亞一作破在巴郎的不爾厄之北。臨波羅的海。其南土田肥沃。其北近海窪下。多沙阜。出琥珀。土人得之用以嵌飾寶器。產木料麻五穀。會城曰斯德丁一作士在阿得河濱。河流深廣。海船可以出入。以此估帆雲集。貿易繁盛。郊外長大之海口。稱為瑞隱口。所屬率他港城在波羅的海濱。居民一萬五千。多與綿羊毛由此出運。城最堅。敵屢攻之不下。其將誓曰。懸此城於天堂。我亦必取之。已而竟不能破。額林城有書院。招進四方之遊學者。吉林城在海濱。有通衢廣廈。文士所居。薩牙居民七千。厦屋雲連。稱為大邑。北勒居民四千。城外有

池。初入西教者。往受洗禮。以此名著西土。其地土脈腴甚。穀麥有餘。出糶遠方。罕比近海。有小河可通城內。居民多以琥珀造奇器。○細勒西亞一作在巴郎的不爾厄東南。山嶺橫亘西南。阿得河由此發源。其土大半膏腴。可耕之田六萬九千頃。然常患人滿穀不足。資接糶於他部。產絲最細。足供機杼八千。綿羊毛甚豐。售於英吉利。山產鐵。每年得一十五萬石。銀二千六百七十斤。會城曰北勒斯勞一作居民八十萬六千。百工畢集。文儒萃焉。河濱列城五。曰瑞匿。曰勒匿。曰額刺。曰峩告。曰匿士。皆有金湯之勢。○薩克索尼亞一作在巴郎的不爾厄之西。與日耳曼各部牙錯。日耳曼小部有包括於境內者。地產五穀羊毛。

其民溫和好禮奉西教甚篤。會城曰馬得不爾厄。一作隣壘高池深屢捍大敵。居民三萬二千。所屬哈勒有大書院肄業者千餘人。別有廣廈收養孤獨。吉令堡昔為洋教女尼所掌。今居民奉西教。毀其祠宇。○普魯士部在國之極東北境。臨波羅的海。與俄羅斯連界。其國以此部之名為國名。地分東西兩部。夷坦無山。產五穀。堪出糶。松椽高大。材中舟楫。半售英國。會城曰哥尼斯北爾。一作玉山居民六萬三千。城週二十七里。空闊難守。所屬但澤城在呵澤河相連之海口。居民六萬。貿易甚繁。每歲入口之船千餘。運麥糶於他國。其城嘗為敵所圍。亡失甚多。北境有城曰墨麥。與西國通商。又得實城極廣大。嘉慶十一年。與佛郎

西議和於此。益平城係大海口。每歲入口之船一千四百。○波森。一作森波新在巴郎的不爾厄之東。本波蘭地。普與俄奧兩國瓜分得之地。出五穀。無別產。會城曰波森。街市寬廣。居民二萬五千。當普人初據其地。民懷故國。多怨思。普洽以惠政。民乃昏悅。其俗尚崇洋教。

普魯士之西部與東部不相連。中隔日耳曼數小國。地分二部。

南曰維士德發里亞。一作西法里多大澤叢林。居民以漂麻織布為

業。善造火腿。銷售遍於西土。會城曰閔士得。俗尚洋教。○北曰

勒那納。一作如勒又分兩部。曰上萊尼。曰下萊尼。上萊尼沿河傍山

會城曰哥羅尼亞。一作可倫在萊尼河濱。居民五萬。善造鐵器。織綢

緞布足。所製香水最佳。河內販運之舟。往來如織。所屬木城有
 大書院。益百田。戶口繁密。百工萃處。突鄉在萊尼河濱。城內街
 衢闊朗。多廣厦名園。○下萊尼。在上萊尼之西南。與維士德發
 里亞昆連。山水清麗。時有遠客來遊。出葡萄酒。五穀缺乏。會城
 曰谷隣。亦在萊尼河濱。所屬得味居民一萬二千。其城最古。亞
 金居民三萬二千。勤於紡績。○普魯士東西八部。除普魯士波
 森兩部外。餘六部皆入日耳曼同盟公會。應出兵七萬九千二
 百。○此出五輝無四。教會曰。在法中。實地。五月二十五日
 歐羅巴人皆稱普魯士為善國。強大不如。舉地利而修政。睦
 隣不事。樓伐則遠過於舉。フレイリツキウイレルレテアルダ
 非哩特威蕪第三遭強隣之難。轉
Prussia willen te wille
 敗為功。有衛文大布大帛之風。其治軍亦得古人寓兵於農
 之意。豈可以荒裔而忽之哉。

此處為空白欄位，僅有模糊的水印文字。

海洋西大

海的羅波

普魯士東部

薩克索尼亞之西挨塞加塞爾之東有薩克索
 所分五國曰威馬斯曰薩克索曰不爾尼爾曰
 薩克索爾曰不爾尼爾曰薩克索爾曰不爾尼爾
 埃不爾尼爾地界或增或減錯綜相雜不能盡釋又
 安拿爾三國留斯三國地界皆分數處錯雜別國
 之中亦未能盡釋也



亞諾威爾
 一作漢挪
 兀

零非斯

普魯士
 西界

圖後接下

漢邊存子監

圖前接上





日耳曼列國

日耳曼 ○阿勒曼 ○阿理曼 ○亞里曼 ○占曼尼 ○歐羅巴古大國

也。其地縱橫皆數千里。北扼波羅的海。南踐地中海。為歐羅巴

之中。原上古時。五方之民雜處。數十小部。羅馬盛時。征服之

尚未盡入版圖。佛郎西既興。其王甲利泰甫一作如爾祿攻滅

日耳曼諸部。地隸佛版百餘年。梁乾化元年。部人畔佛。復推佛

郎哥尼亞酋長官拉多為王。王不世及。惟眾所推。薩克索尼亞

佛郎哥尼亞蘇亞維亞三部之酋。先後據王位。元初。奧地利亞

酋長羅爾德福為王。能服眾。由此繼序不復推。至明初。日益強

盛。聲威四播。幾與羅馬代興。康熙三十九年。各部皆自王其國。

亂。...

不相臣屬。奧地利既并，無坐大。普魯士亦拓地稱雄。兩國皆自有名，不復稱日耳曼。所餘迤西一片土，分三十六部，稱王者四。餘以次遞降，如中國之公侯伯。大者千餘里，小者乃數十里。東界奧地利亞、普魯士，西界荷蘭、普魯士、佛郎西，北界連國暨波羅的海，南界瑞士、意大利，南北約二千四百里，東西約二千二百里。文化十一年佛郎西拿破侖以兵脇日耳曼列國，皆降之。部落多所更易。後八年，拿破侖敗，日耳曼列侯各復爵土。文化十二十年，各國公使會議於維也納。奧地利都城以奧地利、普魯士、本耳曼所分，而連國、荷蘭與日耳曼牙錯合四國於日耳曼列國，稱同盟四十國，以奧地利為盟長。各按戶口多寡定兵數，每

百人應出額兵一名，每二百人出援兵一名，共三十萬四千餘。各國公使皆駐佛郎渡。即佛郎克佛爾有大事則會議，防兵分十二隊，畫地立營，總帥一人，各國公舉。然為帥者多奧地利人，他國人不敢當此任也。各國語音皆同，有奉西教者，有仍奉洋教者。地氣北寒，南暖，多腴壤，五穀百果皆宜。花卉亦繁，產金銀銅鐵錫鉛寶石、玉石、花石、赭石、滑石、磁石、陽起石、黑礬、白礬、硝磺、礪沙磁粉。

巴威也拉一作巴華里，又作拜焉在日耳曼東南方，南北一千一百餘里。

東西八百餘里，在列國中幅員最大，爵稱王，戶口四百七萬餘。公會應出兵三萬五千六百。昔時嘗與佛郎西結盟，以攻日主。

都城曰慕尼克。一作街市華潔。其民善造細皮清玻璃時辰表。

工力巧捷名播四方。各國皆與通市。其制於七千人中。選明通

有識者一人赴京辦事。謂之事主。有大事。則國王會衆事主商

決之。初造時辰表之城曰屈林山。又有兩城曰兩山。曰澳堡。今

雖蕭索。造器之工尚夥。

瓦爾敦巴爾。一作威丁山。又在巴威也拉之西。南北五百里東

西三百六十里。爵稱王。戶口一百五十二萬。公會應出兵一萬

三千九百五十。四境多山嶺。出葡萄酒與各果實。都城曰斯都

德牙爾。一作突甲

薩克索尼亞。一作撒遜。又在巴威也拉之北。為日耳曼適中之地。

東西五百里。南北三百里。爵稱王。戶口一百四十萬。公會應出

兵一萬二千。國之南界有大山綿亘。與塞地利巴威也拉昆連。

山產銀鑛最王。開掘已五百年。尚未匱竭。昔時西國之銀多出

於此。地乏五穀。居民夏則攻鑛。冬則挾餘資遊四方。飲食宴樂

資盡而反。都城曰德勒斯達。一作德停。王宮與教祖堂極宏麗。民多

養綿羊毛毳細軟。用織大呢。又造磁器甚精。不亞中國之產。前

明時。撤有名人曰路得。能譯解教旨。別立西教名。以別異於洋

教。由是西教盛行。而洋教之權衰。國有大邑曰來責。每歲設市

二次。諸國商賈雲集。其地所出者書籍鑄印。最精。各國之文字

百家衆術之著作。無不畢備。每年所售。無慮數萬億冊。價值數

百萬圓。

亞諾威爾。

一作漢那耳。又作漢那華。又作漢那瓦。

在日耳曼之西北境與連國接

壤南北八百七十里東西五百四十里爵稱王戶口一百五十

五萬公會應出兵一萬三千五十境內平垣沙磧居半惟沿河

有沃田草場兼產蠶蜜正德三年康熙五十二年亞諾威爾有王若耳治

稱賢德值英吉利王威廉第三卒無子英之臣民招若耳治奉

以為主子孫承繼至於今亞諾威爾別立支子故亞諾威爾為

英之宗國百餘年來依為唇齒天保三年道光十七年亞諾威爾內亂他

姓代立都城同國名有大書院曰可寧延收教幼學聲名最著

西境有亞爾敦不爾厄幅員頗廣列國中有薩克撒亞爾敦不爾厄乃合三邑為國合計袤延僅百餘里與此土廣狹不侔此

土或別有所屬抑即薩克撒地存俟再考。

巴敦一作巴丁在瓦爾敦巴爾之西南北七百里東西三百四十里

侯國之最大者山嶺盤迴峰巒秀出風景清華為日國之最爵

如上公戶口一百十三萬公會應出兵一萬都城曰加爾斯盧

合一作甲也產麻豆葡萄酒。

揆塞一作黑西在亞諾威爾之西南長三百二十里廣二百里爵如

上公戶口七十萬公會應出兵六千一百九十都城曰達拉摩

斯達一作馬因崇墉屹立炮門環繞外濬深池敵不能攻產麻烟葡

萄酒。

揆塞加塞爾一作黑西與揆塞昆連長四百里廣二百五十里

爵如上公。戶口五十九萬二千。公會應出兵五千六百七十。都城曰加塞爾。其制幼主不得治事。母后或至戚居攝。俟年十八乃及政。地多山。產銀銅鐵鑛。

梅略梭不爾厄。一作墨。有二國。在北方。一曰斯非零。長四百里。

廣二百八十里。爵如上公。戶口四十三萬一千。公會應出兵三千五百八十。都城與國名同。一曰斯德勒利也斯。長一百八十里。廣一百里。爵如上公。戶口七萬七千。公會應出兵七百十七。都城曰荷爾敦不爾。兩國地平坦。饒牲畜。

威馬爾。一作威密。薩克索尼亞所分國。昔有薩克索王裂國之西界。

以封五子。故五子各守封地。不屬於薩克索。威馬爾地錯雜於

隣國之中。不相聯絡。約計袤延三四百里。爵如上公。戶口二十二萬二千。公會應出兵二千一百。民多穎慧。其君好招納文士。

故學業稱盛。都城與國名同。

薩克撒各不爾厄。額達。一作撒。亦薩克索所分地。錯雜於列國

之中。不相聯絡。約計袤延三四百里。爵如公。戶口十四萬五千。

公會應出兵一千三百九十。地有牧場。山出金鑛。現英吉利女

主之夫。博雅那。即此國之世子也。都城曰各不爾厄。

薩克撒亞爾敦不爾厄。一作撒。亦薩克索所分。合亞爾敦不爾

厄。羅內不爾厄。挨森比爾各三邑為國。約計袤延百餘里。爵如

公。戶口十萬七千。公會應出兵一千二十。都城曰亞爾敦不爾

薩克撒梅疑認。一作撒買疑亦薩克索所分。長五百里。廣一百二十里。爵如公。戶口十三萬。公會應出兵一千二百六十。都城曰梅

疑認其地產鹽

按塞烘不爾厄。一作黑堡亦薩克索所分。國分兩地。一曰烘不爾厄。

一曰美塞內英。合計約數十里。爵如伯。戶口二萬一千。公會應

出兵二百。都城曰烘不爾厄。

拿搔。一作拿掃長二百二十里。廣一百五十里。爵如公。戶口三十三

萬。公會應出兵三千二十。昔嘗為荷蘭所無。人逐荷蘭酋。

復立故主。都城曰維斯巴敦。地產葡萄酒與各果實。夙稱富饒。

不倫瑞克。一作保林帥地不相連。有包於普魯士境內者。有括於亞

諾威爾境內者。約計袤延二三百里。爵如公。戶口二十四萬二

千。公會應出兵二千九十。都城與國同名。

安拿爾。一作安合分三國。一曰德搔。地錯雜列國之中。約計百餘里。

爵如公。戶口五萬六千。公會應出兵五百二十。都城同國名。一

曰伯爾尼不爾。地錯雜普魯士境內。分上下二處。約計百餘里。

爵如公。戶口三萬八千。公會應出兵三百七十。都城同國名。一

曰略敦。地分四處。在黑哩巴河之左者二。在河右者二。約計百

餘里。爵如公。戶口三萬四千。公會應出兵三百二十。都城同國

名。三國地雖褊小。而民居密匝。城邑相望。山水最佳。足供遊賞。

都城各有園亭。極幽雅。

留斯一作分三國。一曰略勒斯。長七十里。廣五十里。爵如侯。戶

口二萬五千。公會應出兵二百。都城同國名。一曰意士給利斯。

袤延約數十里。爵如侯。戶口三萬。公會應出兵二百八十。都城

同國名。一曰羅奔斯的音本與意士給利斯為一國。後拆為二。

袤延約數十里。爵如侯。戶口二萬七千五百。公會應出兵二百

六十。都城同國名。

斯瓜爾斯不爾。分二國。俱包普魯士境內。一曰靈德耳斯達長

九十里。廣七十里。爵如侯。戶口五萬七千。公會應出兵五百三

十。都城同國名。一曰孫德耳砂森長一百二十里。廣六十里。爵

如侯。戶口四萬八千。公會應出兵六百九十。都城同國名。

里卑一作分二國。在亞諾威爾之南。一曰德的摩爾長一百二

十里。廣一百里。爵如侯。戶口七萬六千。公會應出兵六百九十。

都城同國名。一曰燒問不爾厄。長八十里。廣三十里。爵如侯。戶

口二萬六千。公會應出兵二百四十。都城曰不給不爾厄。

被爾德略一作長一百二十里。廣八十里。爵如侯。戶口五萬四

千。公會應出兵五百十八。都城曰哥爾巴士。

何痕索勒爾一作分二國。皆普魯士王之支庶。一曰昔麻認長

一百二十里。廣七十里。爵如侯。戶口三萬八千。公會應出兵三

百五十。都城同國名。一曰挨深認長八十里。廣三十里。爵如侯。

戶口一萬五千。公會應出兵一百四十。都城同國名。

列支敦士敦 一作光石 長六十里。廣三十里。在薩克索南山中。爵如

侯。戶口六千。公會應出兵五十五。都城同國名。

此外北境尚有小國五。皆商賈萃集之地。自推殷戶為官司理

事。不隸王侯。一曰昂不爾厄 一作漢堡 地間隔不相聯。約計袤延四

五十里。戶口十四萬八千。公會應出兵二百九十。會城在易北

河口。為各國互市之地。其船時至粵東。一曰不來梅 一作包亞

諾威爾境內。袤延約三十里。戶口五萬。公會應出兵四百八十。

通商在威悉河濱。其船亦時至粵東。一曰佛郎克佛爾 一作佛郎渡

地不相聯。袤延約三四十里。戶口五萬四千。公會應出兵四百

七十。其城臨河。古時所築。各國公使防兵皆駐此城。每年開大

市一次。遠方商賈輻輳者數千帆。一曰盧卑各 一作利比 地不相聯

袤延約三四十里。戶口四萬六千。公會應出兵四百。一曰尼發

深。周廻僅數里。戶口二千八百九十。公會應出兵二十八人。

日耳曼界內江河最長者為來因河。由南而北。轉西至噠國界

入海。河濱土脈腴潤。產葡萄最良。沿河多名山古蹟。風景清美。

時有遠客來遊。多憊河亦大水。在日界內橫流如帶。北方則易

北河其名水也。其民居北方者多強健性淳良。好學術。南方民

風奢侈。日惟醉飽無遠圖。西南一帶民多勤苦謀生。力作不倦。

界內列侯壤地雖小而與諸大國婚媾往來用敵體禮。其同盟

瀟瑤志畧 卷五
公會。條約雖甚堅明。然分土既衆。不免鬪觸之爭。遇大敵則心
力不齊。難於制勝。幸維也納軟盟之後。佛郎西止戈保境。未發
難端。或亦慮衆怒之難犯耳。

按日耳曼為歐羅巴適中之地。似中國之嵩雒。其人聰明闊
達。西土以為貴種。其分土列爵。似三代封建之制。自各部擁
土自王。奧地利雖疆土日擴。共主之名不復存。然小侯數十
傳爵土於子孫。而諸大國無吞噬之謀。則猶有古意存焉。又
佛郎西英吉利立國之祖。皆日耳曼人。諸國每遭喪亂。輒招
致日耳曼列侯或世子為王。大國如英吉利。小國如比利時
希臘皆是也。殆西土王氣之所鍾歟。

瑞士國





凌道存著



瑞士國

瑞士瑞士○東色楞蘇沙蘭○蘇益薩蘇益薩在日耳曼之南。奧地利亞之西。佛郎西

之東。意大利亞之北。東西約五六百里。南北約三四百里。萬山

疊峙。中峰高接霄漢。常積冰雪。歐羅巴大河。多由此發源。其地

山水清奇。甲於歐土。西境有官斯丹薩大湖。圍以密林。縈以清

澗。豐草芳縟。麋鹿群游。尤為幽勝。地產五穀藥材。所造奶餌。極

甘香。居民大半以牧畜為生。夏月驅牛羊入山。秋冬乃返國。無

苛政。風俗檢樸淳良。數百年不見兵革。稱為西土樂郊。古時地

屬羅馬。羅馬衰亂。北狄不爾給農人據之。旋為佛郎西所有。後

為日耳曼所奪。其民戇勇。日耳曼選為親軍。臨陣皆効死力。戰



元大德年間。日耳曼王亞里伯爾多苛斂無藝。濟以酷刑。瑞士人不能堪。逐日耳曼守土吏。各推頭人。據險畫疆。告絕於日耳曼。其地斗絕。人健鬪。日耳曼不能收復。亦遂聽之。初分三部。後分為十三部。皆推擇鄉官理事。不立王侯。如是者五百餘年。地無嗚吠之擾。西土人皆羨之。嘉慶三年。佛郎西攝王拿破命。時破命尚以兵力強取。入版圖。改為十九小部。拿破命既敗。各國未即位。以兵力強取。入版圖。改為十九小部。拿破命既敗。各國公使會議於維也納。十九部之外。益以牙錯之日內巴拉。牛弗砂德爾。本屬普瓦來斯。本屬塞三部。共二十二部。為瑞士國。仍其舊俗。自推鄉官理事。酌地勢按戶口。拔壯丁禦侮。諸大國不得鈐制。

給里孫。在東方。長三百五十里。廣一百八十里。戶口八萬八千。

應出壯丁一千六百。地分三邑。曰給里孫。曰加德。曰森給里至。

各領以鄉官頭人。

伯爾尼。一作北耳尼。在腹地。北境抵北方。長三百里。廣二百里。戶口

三十五萬。應出壯丁五千六百二十。巨室設戶。半居於此。鄉官

二百九十人。

瓦來斯。在西南。本屬塞地利。割附於瑞。長三百餘里。廣百餘里。

戶口七萬。應出壯丁二百八十。鄉官七十六人。

瓦烏的。一作熱尼瓦。在極西。長一百八十里。廣一百五十里。南界臨

官斯丹薩湖。風景幽絕。城建湖濱。居民造時辰表。每歲得價銀

數百萬。洋船販至中國者大半瓦烏的人所造也。戶口十七萬。

應出壯丁一千二百八十。鄉官一百八十人。

德西怒在南方。長一百三十里。廣一百二十里。戶口十萬二千。

應出壯丁七千八百。鄉官七十六人。

桑牙祿在東方。長一百五十里。廣一百十里。戶口十四萬四千。

應出壯丁二千六百三十。鄉官一百五十人。

蘇黎世在北方。長一百二十里。廣一百十里。戶口二十一萬。應

出壯丁三千七百。鄉官二百十二人。

盧撒爾拿在腹地。長一百二十里。廣一百里。戶口十一萬六千。

應出壯丁一千七百三十。鄉官一百人。

亞爾疴維亞在北方。長一百二十里。廣八十里。戶口十五萬。應

出壯丁二千四百一十。大鄉官一百五十人。小鄉官十三人。

弗里不爾厄在腹地。長一百二十里。廣七十里。戶口八萬四千。

應出壯丁一千二百五十。鄉官一百四十四人。

烏黎在腹地。長一百三十里。廣六十里。戶口一萬三千。應出壯

丁二百三十。鄉官十三人。別有副。

孰義的斯在腹地。長九十里。廣六十里。戶口一萬三千。應出壯

丁六百。鄉官三百三十人。

加拉利斯在西方。長九十里。廣五十里。戶口二萬八千。應出壯

丁四百八十。鄉官八十人。

牛弗砂德爾。在西方。本屬普魯士。割附於瑞。長九十里。廣五十里。戶口五萬一千。應出壯丁九百六十。普魯士官四十五員。鄉官三十人。會同議事。

獨爾荷維亞。在東北。長一百里。廣八十里。戶口八萬一千。應出壯丁一千五百二十。鄉官一百人。

翁德爾瓦里的。在腹地。長八十里。廣六十里。戶口二萬四千。應出壯丁三百八十。地分上下二邑。各推鄉官理事。

梭律勒。在北方。地形槎枒。半在伯爾尼界內。長一百二十里。廣八十里。戶口五萬三千。應出壯丁九百。自推鄉官理事。

巴勒一作巴悉。在北方。長八十里。廣五十五里。戶口五萬四千。應出

壯丁九百八十。鄉官一百五十人。有大書院。名最著。文儒所萃。能宣布西教意旨。

亞奔塞爾。在東北。包桑牙祿界內。長八十里。廣六十里。戶口五萬五千。應出壯丁九百七十。分內外兩邑。各推鄉官理事。

砂佛塞。在極北方。牙錯日耳曼界內。長七十里。廣四十里。戶口三萬。應出壯丁四百六十。鄉官七十四人。

日內巴拉。在西方。本屬普魯士。割附於瑞。長七十里。廣約三四十里。戶口五萬二千五百。應出壯丁八百八十。鄉官二百七十八人。

蘇克。在腹地。長五十里。廣三十里。戶口一萬四千。應出壯丁二

百五十。自推鄉官理事。

按瑞士西土之桃花源也。懲碩鼠之貪殘而泥封告絕。主伯

亞旅自成。卧治王侯各擁強兵。孰視而無如何。亦竟置之度

外。豈不異哉。花旗人甘明者。嘗遊其地。極言其山水之奇秀。

風俗之淳古。惜乎遠在荒裔。無由漸以禮樂車書之雅化耳。

...

...

...

...

...

...

...

...

...

...

...

...

...

...

...

...

...

...

